

華資工廠調查錄

(專訪梅)

(八十二) 萬隆糖薑工場

本港有一種工場、素未爲人所注意、而其年中全行營業有至二百餘萬元之鉅

者、即糖薑工場是也、萬隆糖薑工場在旺角之必發街、其字號已有百餘年之

歷史、幾經變遷、以至今日、其資本額之多寡、因仍

屬私人企業、故數目不詳、

▲出品 該工廠專製糖薑、故其出品亦祇糖薑

一種

▲銷場 該廠糖薑之出口全由本港之洋行爲之

購辦、故各國俱有、然其大宗則多運往倫敦云、

▲營業 該工場營業、據負責人馬君語記者、每年最盛時約有四十餘萬元、現以近年不景氣之結果、生意頗見退步、每年約做二十萬元左右云、

▲工人 男工共有二十餘人、月薪每月約在十餘二十元之間、

▲概況 查糖薑之製造甚爲簡單、即由廣州運來

之生薑、去皮令熟、加糖便成、外國人之因何嗜此、即該店之主事人亦不明瞭、有謂外國人在宴會上多喜食之、而亦有謂某國人嗜糖薑、有類乎中國人之食瓜子云、其言是否可信、記者不敏、不敢遽下斷語、不過以經營一業、而不知其辦家買其貨品作何種用途者、則欲知其業之盛衰原故、實無異緣木求魚、此我國工廠之所應研究者也、